

黃氏逸書考

通緯

逸書考

河圖帝覽嬉

甘泉黃夷學

日月不光有亡國死王不出五年

開元占經五

正月日暈兵春起不勝

占經八

日以正月若五月中有暈以上道上有熱死

將一日多死人

同上

日暈中赤外青羣臣親外赤中青羣臣內其

身外其心

同上

日暈二重其外青中濁不散

同上不散下照軍會衆三字

日月赤黃無光名曰薄破毀傷名曰蝕

占經九

日食所宿國主疾貴人死用兵者從蝕之面

攻城取地

同上

月者金之精

占經十一又見初學記卷一又見文選木立虛海賦注

月行一歲昂畢間不出三年有兵

同上

月光如張炳火所宿之國立王若立上卿

月入而黃主人受殃出而黃赤客受其殃赤

三日不復主人戰不勝

同上

月三日其中縵縵如絲布狀其野虛兵在內

盡出在外戰主人不勝

同上

日月無光有亡國死喪期不出五年

同上

月大無光主死士戰不勝

同上

月中無兔蟾蜍天下無官

同上

月始出時有雲居其中如禽獸狀其名曰羆  
婁甲乙見東方受之丙丁見南方受之戊己  
見中央受之庚辛見西方受之壬癸見北方  
受之受者受其害

同上

月旁有白雲大如杵者三抵月期六十日外

有戰破軍死將

同上

月旁多赤雲如人頭大戰多白爲風黑爲雨

同上

月旁有白雲一黑雲二蒼雲一其大如厚布

抵貫月圍城拔邑

同上

月生四日有兩角刺如矛狀其野有弑其君者且廢之其 upper 角大者君上勝其下角大者

臣下勝

同上

月十日不弦以戰不勝主將死

同上

月未當望而望是謂趣兵以攻人城者大月  
當望不望以攻人城者有殃所宿之國亡地  
同上古微書引趣兵作促兵以攻人城者上  
昌作宜攻他人當望上有月字下有而字下  
作以攻他人者有殃

月珥期六十日兵起占經十二古微書月下  
有暈而二字

月不暈而珥人主有喜兵在外亦有喜同上  
古微書人主二字誤作全亦有喜作而喜亦誤

月珥遺憂也赤有兵黃為喜白喪也黑色失  
國期皆不出三年同上

月不暈有四珥臣有謀不成同上古微書有四珥作有四珩者

月與辰星合宿其國亡地君王出同上

月犯五星粟貴二犯貴二倍同上

歲星入月中其國有逐相同上

月與太白相過月出其南陽國受兵只出共

北陰國受兵同上

月犯歲星其國飢一年二年乘之主死同上

月貫歲星有流民不出十二年國飢亡同上

月蝕歲星其鄉大戰大拔邑

同上

熒惑入月中憂在宮中非賊乃盜也有亂臣死相若有戮者

同上

月犯熒惑國內降貴人兵死

同上

熒惑貫月陰國可伐期不出三年其國亂貴人兵死近期不出五年其國受兵遠期不出十年而以兵亂亡國

同上

月蝕熒惑其國以飢起兵又以亂亡若相反太子當之或主走

同上



填星入月中臣賊其主

同上

月犯填星爲亡地期不出十二年其國以飢

亡一日天下有大喪

同上

月乘填星地動不及天裂

同上

月蝕填星女主死其國以伐亡若以殺亡

同上

太白入月中將軍戮死一日臣謀主不成皆

不出三年又曰必有內患戰不勝亡地

同上

月弦太白入月中侯王死亡

同上

月犯太白強侯作難戰不勝人主死國亡

同上

古微書戰上有以字無末五字

太白與月貫期不出三年國大危戰敗亡地  
以女亂亡期不出六年

同上

辰星入月中賊臣欲弑主不出三年必有內  
惡戰不勝亡地

同上

月犯辰星中三十日不出其君死亡

同上

月犯列宿其國有憂

占經十三

列星貫月陰國可伐也期不出五年其國受

兵不出十年其國有內亂大危

同上

星出月陰負海國有勝星出月下芒角相虛  
者君死人飢

同上

月犯左角左將戰死期不出三年犯右角右  
將戰死

同上

月乘左角法官誅乘右角兵起

同上

角星角貫月三年國君死

同上

月犯亢兵起期不出三年

同上

月犯氐其國有軍將死一曰將當之

同上

月行中道是謂安寧天下和平舉兵不吉欲

被其刑逆天之道辱以無名

同上

月宿天廐中央大軍罷歸期不過三十日

同上

月行陽環多小暴事

同上

月宿天廐左間將軍論若弱分

四字有誤

歸期不

過三十日

同上

月行陽裏治驕恣多暴獄及驚駭內亂

同上

月行西表之南陽人且錯禍不可克

同上

冬三月出房南近小旱遠大旱期在衡去房

三尺曰近五尺曰遠

同上

月行太陽天下亂人民啼哭及天下大荒禍  
不可禁天下有兩心同上

月行陰間多陰事小起同上

月宿天廐右間將軍伐期不過三十日同上

月行陰裏權衡不得兵革時作邊境不休同上

月行西表之北陰人將革禍不可克同上

冬三月出房北近小水遠大水期在衡同上

月行太陰天下兵悉起及內淫流食同上

月犯房星四足之蟲多死期不出一年同上

月犯房心天下有殃主有憂

同上

月行房星心間其旁有紅雲一諸侯一王死  
同上

月犯心亂臣在旁伐國期不出三年其下有  
亡國又曰民伐其主應之以善事則殃除同上

月犯尾君臣不和

同上

月犯箕有客讒人者

同上

月犯南斗大臣及將去

同上

月犯牽牛將軍奔天下牛多死

同上

月犯須女

天下多女患同上月犯虛空邑復起同上

月犯危治樓臺室屋者多同上

月犯蝕營室以亂若亡地及宗廟毀若起室

者同上

月犯東壁大亂民多死同上

月犯奎大亂人多死者同上

月犯婁人君多淫穢同上

月犯胃倉庫散一曰其國有變同上

月犯昴天子破卽奴不出五年中若有白衣

會同上

月行犯昴北有赤白雲緣月入何如地有得  
赤白雲不緣月兵入無得期不出三年同上

月犯畢天子用法誅罰急貴人有死者同上

月犯觜觿小將有死者同上

月犯參伐有兵事競城堡同上

月入東井諸侯貴人多死同上

月犯入東井其國君有憂同上

月犯鉞大臣誅同上



月犯鬼大臣有誅一曰國有憂

同上

月犯柳有木工事

同上

月犯七星兵在外戰

同上

月犯張有饗客

同上

月犯翼飛蟲多死

同上

月行入天市及有變留其中女主憂將若相

有戮死於市者

占經十四

月行天淵中臣踰主

同上

月乘天高將死外臣有誅者

同上本卷兩引

月行南河之南兵旱並起男子喪乃始同上  
書經之南二字無乃始字

月行北河之北兵水並起女子喪乃始同上

月入軒轅有亂臣期不出三年同上

月行軒轅中女主失勢其所中以宮名名之

一曰五官有不治者同上

月犯軒轅左右角臣有誅者同上

月犯女御星女御有憂同上

月入太微庭所中犯乘守者各以其官名之

同上

月入太微而出端門者臣不臣

同上

月行犯左右執法皆爲大臣有憂

同上

月出黃帝座之北禍之大出其南禍之小若

近之大臣謀亂禍不成

同上

月犯黃帝座天下大亂存亡半

同上

月暈兵春起不勝

占經十五

五月中九暈以上者道上有熱死者

同上古微書作

暈有九重以上者死者作死人下有地將動

三字

月暈中赤外青羣臣親外赤中青羣臣內其  
身外其心 同上

月暈三重其外青中濁不散軍會衆 同上

月暈再重倍在外私成於外倍在內私成於  
內 同上

月色黃白交暈一黃一赤所守之國受兵 同上

月暈四重華五復之所宿其國主死三復之

黜相一曰客畔之不合所攻主人勝 同上

月暈迴留歲星所守之國歲大熟 同上

月暈圍熒惑所守之國亡又客兵入境爲寇

掠

同上

月暈圍熒惑其色惡不明客敗其色明如角

則客勝

同上

月暈圍填星所宿之國有德

同上

月暈圍填星三復之相死天下土盡六動起

邑屋壞女主有憂五復之主死

同上

月暈太白當其野者國受兵戰不勝又曰所

守之國兵起

同上古微書暈作犯太白金作其野受兵

月暈太白三復之所宿國將若相死之一曰

客攻不合所攻主客

同上

月暈圍辰星所守之國有大水

同上

月暈圍辰星春夏民疫寒熱秋冬兵起及水

冬主死若有水憂

同上古微書無圍字民疫寒熱作民有寒熱疾下作

秋兵起冬其下並憂無及水至末九字

月暈圍角亢蠶多死

同上

正月月暈圍箕斗五穀不成

同上

月暈牽牛須女女子功廢絲枲皆貴一曰牛

多暴死

同上

月暈營室東壁有大土功

同上

月暈胃昂民多腹疾

同上

月暈圍畢參觜矢弓弩貴

同上

月行天門暈三重天清淨關梁不通應之以

黑

同上

月暈左角天子爲軍自守暈兩角有軍

同上

月暈亢主自將兵不行千里

同上

月暈氐大將誅若水蟲多死

同上

月暈房行三軍而戰同上而疑作不

月暈南斗大將出同上

月暈須女必有軍暴血將死同上

月暈須女兵起不鬪一日民多去室宅一日

月暈同上

月暈虛民多去室宅者同上

月暈危軍所止民多去宅者同上

月暈室有喪同上

月暈壁見龍大敗同上



月暈圍婁君和解

同上

月暈胃兵不戰民多腹疾

同上古微書無兵不戰三字腹疾下

有貴臣死三字

月向觜觿道多死人大將死一日弓弩貴

同上

月暈七星輕其戰若飛蟲多死

同上

月圍張飛蟲多死一曰獄罪人民不定

同上

月暈南北戌有雲貫之起兵者勝

占經十六

月暈而珥歲爲平安

同上

暈而兩珥先起兵者有喜

同上

月有雲暈不合外有四倍珥外有謀不成同上

月暈蜺雲東之疑有以戰從蜺之所往者大

勝同上

月暈有雲貫暈左右吏死同上

月暈有雲大如厚布四貫暈通月不出其年

主人憂同上

月暈有雲如厚布若三若四貫暈抵月以戰

勿當當者破同上

月暈赤雲大如杵有軍在外萬人死其下同上

月有白雲貫暈其雲大如杵一端抵月月之所直者不出年中國主女喪

同上

月暈有白氣廣可二三尺而抵月在東方名嬰兒攻人地者亡其師

同上案兒當作蜺

月暈有青雲刺月是謂賊害主受其殃爲歲五穀不熟有赤雲刺月是謂仇賊有黃雲圍月有女主戮死者期不出四十日有白雲刺月其國若遇賊有黑雲貫月乍一年二年三

其名曰衡雲所當國王死若將軍憂

同上是謂仇賊

彗有說文

彗有流星橫貫月度彗中者諸侯皇后有  
亡災國者

同上

流星貫彗不中月出月右如建鼓右吏死出

月左左吏死

同上

天下無雲有流星過月下若月上其國有喜

一曰兵出

同上

月彗有流星出其中其國貴人有出走者有

星從外入彗中其國大夫有入者

同上

月暈客心所宿之國憂

同上

月赤黃無光曰薄毀傷曰蝕皆不祥善惡有

爲其國

占經十七

月薄所宿國主疾

同上

月蝕所宿國貴人死用兵者從月蝕之面攻

城取地亦然

同上

月蝕所宿國貴人死又曰其鄉有拔邑大戰

同上

兵常在內而月蝕其國受殃又曰兵未起而

考蝕所當之國起兵戰不勝

同上

月滿而蝕兩軍相當必戰無軍兵必出將死於野

同上

月蝕以晨相及太子當之以夕君當之

同上

月未望而蝕從上始而盡無光天子坐之

同上

月蝕東方其月中有惡風月蝕西方主人爲

客

同上

月蝕從上始謂之失道國君當之從下始謂之失法將軍當之從傍始謂之失令相當之

古微書從傍始十  
字在從下始上 又曰從上始爲君親從下

始爲赤子蝕其陰爲女喪蝕其陽爲男喪

古微書引從上下始謂之赤子食誤又末二  
句無蝕字喪字

月蝕盡女主當之 同上

有軍在外而月蝕盡者軍罷帥 同上

軍在外一月而再蝕將還兵其國戰不勝

月春蝕東方王死之夏蝕南方王死之季夏

蝕中央王死之秋蝕西方王死之冬蝕北方

王死之國以謀亡 同上

正月月蝕賤人病糴石二千二月月蝕貴人  
病糴石三千三月月蝕人主當之糴石四千  
四月月蝕人主當之五月月蝕飢六月月蝕  
赤地千里七月月蝕有兵八月月蝕兵罷九  
月月蝕飢一曰有戰十月月蝕藏穀一曰起  
軍十一月月蝕有喪兵圍城破軍殺將十二  
月月蝕不盡是謂當其數不占

同上

月犯熒惑暈而蝕天下破軍亡地大將有憂  
蝕盡者主位也不盡者大臣位也近期三月



遠期三年

同上

歲星入營室西三日以上王者避正殿入省  
室二十日以上至七十日王者自領三軍禦  
賊天下兵單行 占經二十五

歲星之奎有喜慶之事若有赦令

占經二十六

歲星守奎南牛馬繒布帛賤舍其北八月兵  
起七十二日罷或至三歲乃罷 同上

歲星行犯太微左右執法爲大臣有憂

占經二十

人

災惑守奎五十日不下若無科場之弊必有  
小兵三月乃止 占經三十四

災惑守奎處其南春糴價賤處其東秋糴價  
貴處其西五穀有霜災處其北百物傷於水  
歲飢 同上

災惑守奎南地動一口牛馬賤 同上

災惑犯翼政事更張諸侯聞風效尤陽奉陰  
違 占經三十五

災惑犯翼出不三十日有風惡拔木歲飢民亡 同上

填星入氏而抵觸之后夫人有坐廢者若守  
之其禍尤重入氏之左貴妃有憂入氏之右  
輔臣有憂

占經三十九

填星乘心入其北國多旱若大火入其南邊  
境有兵憂

同上

填星乘守營室守其南三十日不下地必動  
占經四十

太白入王良人主以車爲弊馬多死關津不  
通國有憂

占經五十一

太白守軒轅大星若環繞之皇后有急若憂

誅一曰天下易王女主有殃

同上

太白入太微而出端門臣不臣

同上

太白守天矢貴人多有疾而病死者一曰民

多以飢死

占經五十二

辰星行犯左右執法爲大臣有憂

占經五十八

北方玄武之所主其帝顓頊其神玄冥昏危

中星七星中其宿似在乎尾然仲冬之月日

在斗則北方七神之宿實始於斗鎮北方主

風雨光輝燦爛是其得主有常

占經六十一

斗七星富貴之官也其旁二星主爵祿其中

一星主壽夭常與日月五星相會

同上

斗上歲時豐歉一名建杓一名大魁一名中

樞一名開陽一名搖光南二度曰陽道北三

度曰陰道中四度爲黃道爲日月五星交會

之道

同上

西方白虎之所主其帝少暉其神蓐收昏建  
星中旦畢中其宿宜在牽牛然七神以奎爲

節清剛肅烈其序不容紊也占經六十一  
西方之星其屬五十共合八十五度奎居西  
之中七度經以聯之緯以綜之同上

天象之垂下應乎地日月星辰各有感應隨  
其所發用以占方無有不驗但在審明次舍  
分其向背不可專泥其法也如云東西南朔  
星躔一定不移則休咎必無一驗惟揆之以  
時審之以色定之以方斷之以理乃效如神  
占經六十四

星者月之精華所分太陰之氣故多動搖飛  
流觸擊犯突揜鬪諸異以此而分休咎占者  
審之 占經七十一

君失其政臣失其道則星失其次無光而流  
同上

流星飛行過宮將止其舍光忽陰入兵職太  
敗將軍逃亡而死若輔臣失勢誅死 同上

流星有足人主出走 同上

星生芒角搖動而流國有訛言傳播人心惑

不安 同上

流 色明如半月飛行至中央亦名景星國

有喜慶

占經七十二

流星入辰星之下有光上激射色若相合火

兵並起民多流亡 同上

陰星流犯歲星五穀以水傷 同上

流星干犯熒惑邊兵大戰得勝若鬪死 同上

流星入辰星犯守之十五日以上陰人內亂

婦女狂病牝雞司晨猫欺犬子城外流言四



起城中日夜傍徨若兵在外戰敗失地

同上

流星入犯列宿強臣震主羣下畏其威勢其

國有憂

占經七十三

流星抵觸亢將相不和君臣相爭上下乖戾

其國有憂

同上

流星犯房中道車駕不寧宮兵爲變天子出

行若犯左右宰相出兵

同上

流星犯房上一星上將敗亡犯下一星次將

敗亡兵皆流散

同上

流星犯尾陽星犯者爲旱陰星犯者爲水

流星犯守南斗宰相免罷若大將更代

火星流入牽牛上下乖離宰相出逃

流星犯危樓臺多傾圯人民驚散

流星入犯營室人主多木工之事民多流亡

同上

流星入犯奎大臣爲亂

同上

流星犯婁人主多內嬖國政不亂

同上

流星犯胃倉庫財粟四散國用耗乏

同上

流星犯畢將若相以罪流徙

同上

流星犯參非風卽雨民多移徙

同上

流星犯輿鬼將軍敗逃

同上

流星犯柳天下多木工事民以役重逃亡

同上

流星犯七星大霧不開民多陰病

同上

流星流犯入翼木生蝗虫爲災民以飢流

同上

流星犯軫兵出如流水國無兵車

同上

天狗犯奎宮有芒者兵戰十年不得息東流

西入擾害生靈無芒者犯入狼星卽滅賊星

犯台垣文人不得時勢山林必多隱逸毛頭  
星犯長垣天下多流寇人民不免兵火禽星  
飛犯天街中國多水五穀變爲蓬麻扶筐入  
犯天孫百姓飢寒並至哭星入犯南斗貴人  
憂喪天下父離子散天雞入守天田天下水  
旱頻仍田無顆粒杜史守定杓衡人主怙惡  
不悛臣下離心玄龜來守天潢大水沖損田  
廬魚行陸道枉矢進守闕邱逆臣背負朝廷  
兵入宮中巨星飛凌閣道人主亡城失色奸

臣賣國求榮黑星上凌女史后妃受制宮人  
國多妖婦若凌須女天下女工荒廢野雞飛  
凌壽星民多天札若凌天醫百姓疫疾天狼  
笑凌台垣奸臣肆虐忠良悉受誅逐鴟星凌  
犯市樓水旱不時百貨貴而民食艱天機入  
凌羽林寇盜充斥兵士散而將軍死罡星飛  
歷于帝座人主被逼出走若歷台階宰相更  
易妖星歷掩文昌將相受不明之罪貴人無  
權星歷過離宮后妃以罪廢斥天狼經緯

白虎外有敵兵角戰內有奸權爭勢九坎飛  
歷天田江河潰其隄防田疇被淹彗星突歷  
太白刑獄失於公平殺戮不辜天賊若歷輦  
道殿下有伏兵鬼星若歷絕漢關津俱不通  
占經七十六

客星行房中道權臣假主市恩人心疑二  
占經七十九

客星犯營室國有土木之功民多逃亡  
占經八十  
客星入犯東壁之北外邦有來貢五色馬者

若御廐馬產驥駟文明大盛天下和安

同上

坐爲封豕主天下溝瀆之事客星入犯無土

功必有川瀆決溢之憂若壅塞不通

占經八十一

客星犯婁國有聚衆之謀兵禍必起

同上

昴宿爲旄頭客星犯之旌旂用事主有兵起

若無兵有遊獵事

同上

客星犯觜關津貨物壅滯民用不足市肆

更易若客星不明貨物輻輳而至

同上

客星逆犯參中星大將軍有陰私營中無忠

勇之氣若守參之左右左右將不忠於國賊  
必不勝 同上

客星犯東井亭候之吏失察廢斥 占經入十

陽星守九坎爲旱陰星守九坎爲水 占經入十三

客星犯婺女星明者女功昌星動者婦人 同上

客星守七公民間冤氣釀成水旱歲多凶荒  
五穀大貴 占經入十四

黃道一青道二出黃道東赤道一出黃道南



白道一出黃道西黑道一出黃道北日春東

從青道夏南從赤道秋西從白道冬北從黑

道立春星辰西遊日則東遊立夏星辰北遊

日則南遊春分

星辰西遊

之極日東遊之極日與

星辰相去三萬里夏至則星辰北遊之極日

南遊之極日與星辰相去三萬里立秋星辰

東遊日則西遊立冬星辰南遊日則北遊秋

分星辰東遊之極日西遊之極冬至星辰南

遊之極日北遊之極相去各三萬里

古微書文選顏

延年三月三日曲水詩序注引立春春分  
從東青道 應月令疏爾雅釋天疏

月暈三重天下受兵赤雲貫之其下亡地月  
暈四重其下亡國凶月暈七重其下亡國月  
暈九重其下兵起流亡月暈太白與日共其  
分主憂星在月陰負海國勝列星貫月陰國  
可伐 同上

大星流入月中無光有兵死又曰使星入月  
主失其地若星入月中無光將戮 同上

彗星在月胡兵大起 同上

尋出東方河逆決將相有謀

同上

月犯南斗兵起國中

同上

月犯心有亂臣王者惡之又曰宮中有亂

同上

若熒惑在胃中則有兵歲令在暈中有德令

火入太微中留止爲兵火起

同上

推度九道百七十一歲進退六十三分

十一歲一超次與天相應

續漢書律曆

通緯

逸書考

河圖稽命徵

甘泉黃爽學

鄭氏曰稽察也命猶運也徵攷其象驗以  
事也

清河郡本

華胥於雷澤履大人蹟而生伏羲於成紀

清河郡本

女登遊於華陽有神龍首感女登於常陽山  
而生神農

同上

附寶見大電光繞北斗權星炤郊野感而孕

二十五月而生黃帝軒轅於壽邱

下有注云權亦作樞

當是宋均校

龍顏有聖德効百神朝而使應龍攻

蚩尤戰虎豹熊羆四獸之力以女魃止淫雨

同上

魃者鬼物而人形長二三尺一手一足一

目目在頂上出則爲旱災故以之止雨也

同上以下俱鄭注

景星見於攝提

同上

景星者青方氣與赤方氣連中有三星皆

黃色形如半月繼日爲明生於晦朔時遷  
祖有蠶桑之功故天見景星以成之也

同上

五十年秋七月庚申天霧三日三夜晝昏黃  
帝問天老及力牧容成曰於公何如天老曰  
聞之圖國安其主好文則鳳皇居之國亂其  
主好武則鳳皇去之今鳳皇翔於東郊而樂  
之其鳴音中夷則與天相副以是觀之大有  
嚴教以賜帝帝勿犯也

同上

副台也

同上

乃召史卜之龜焦史曰臣不能占也其問之  
聖人帝曰已問之天老力牧容成矣史北面  
再拜曰龜不違聖智故焦也同上

大星如虹下流華渚女節氣感生白帝朱宣  
說郭五清河郡本

朱宣謂少顓也清河郡本

瑤光之星如虹貫月感處女於幽房之宮生

帝顓頊於若水首戴干戈有德文也清河郡本注一

作處女下有女樞二字按此當是朱均校說  
郭五引至生帝顓頊

慶都與赤龍合生帝堯於伊祁

說郛五清河郡本伊祁祁

作祈下有注云伊祈亦作丹陵此當是朱均校

握登見大虹意感生舜於姚墟

說郛五清河郡本有注云

握登亦作繼華此當是朱均校

修己見流星意感生帝戎文禹一名文命

說郛

五清河郡本無末四字

扶都見白氣貫日意感生黑帝子湯

說郛五清河郡

本日作月

主癸之妃曰扶都見白氣貫月以乙日生



湯故名天乙清河郡本

大任夢長人感己生文王說郛五清河郡本

秦距之帝名政虎口日角大目降鼻長八尺

六寸大七圍手握執矢名祖龍說郛五清河郡本

降下垂也清河郡本

怪目勇敢重瞳大耳力政之邦清河郡本下

口政或作楚此當是宋均校說郛五耳作口政作楚按力楚不可曉

帝劉季日角戴北斗胸胸下疑龜背龍身長

七尺八寸明聖而寬仁好任主說郛五龍身作龍眼豎誤

今從清河郡本好任主下有脫誤說郭以此  
為一條而以劉受紀昌光出軫又另為一據  
據清河郡本好任主下空八字即接劉受紀  
云云按河圖提劉篇有好士主軫之說  
劉受紀昌光出軫五星聚井說郭五清河郡  
本紀昌二字互  
倒

帝劉卽位百七十年太陰在庚辰江充詭其  
變天鳴地坼御覽八百七十四說郭五古書  
清河郡本無帝劉二字即  
五星聚井詭下無其字

激怒□□也天鳴天鼓鳴也坼陷也清河  
郡本

君急恚怒無雲而雨說郭五清河郡本恚作  
蛙下注云蛙亦作恚注

同

君急則厲蛙怒則虐無雲而雨謂之天泣  
清河郡本

通緯

逸書考

河圖稽耀鉤

甘泉黃奭學

鄭氏曰稽有所攷察耀有所光輝鉤疏其  
畧也攷其所見著是簡冊均謂稽耀鉤者  
考古赫奕之文數其往而以察其來也耀  
三才之光耀竝星辰於人事紀日月於運  
會明明可鑒融融可憑焉者鉤射之也

郡本

清河

日有珥國之慶

清河郡本

民國甲戌

二月

二江報

珥日旁單環重疊之所化所見之國慶喜

喪皆謂之慶均謂慶有喜也同上已下皆鄭注

日月兩重暈者饑之祥也古微書御覽二十五引河圖

蟾蠩去月天下大亂古微書清河郡本御覽九百四十九引河圖

去不見也清河郡本

黃黑氣掩日是爲日薄凡日食皆於晦朔不

有於晦朔者爲日薄雖非日月同宿時陰氣

盛掩日光也占類日食古微書晉天文志宋書五行志引河圖占

青雲刺月五穀不熟傍多赤雲如人頭大戰

月旁有白雲如杵者三貫月六十日內有兵  
戰月始出有黑雲貫名激雲不出三日大雨  
古微書御覽八百七十七引河圖

月犯房天子有憂四足之蟲多死月犯心後  
星亂臣在旁同上

月犯星有亂臣王者惡之又宮中有亂又有  
大喪犯中星爲人主犯前星爲太子犯後星  
爲庶子當之同上

五星散爲五色之彗

御覽八百七十五說郛  
五古微書清河郡本

民國甲戌

河圖稽耀鉤

二江都朱氏

彗穢也

清河郡本

補刊

歲星之精流爲國皇主內難

御覽八百七十五又卷七引無

之精二字古微書

太白散爲天狗主候兵

御覽八百七十五說

本御覽七無候字

辰星散爲枉矢流枉矢所射可誅

說郛五御

爲枉矢流射所誅有脫誤又八百七十五引

同說郛流下無枉矢二字古微書無流字清

河郡本流下有所字

熒惑散爲蚩尤旗主惑亂

御覽七又八百七十五說郛五古微

書清河郡本

如旗清河郡本

填星散爲獄漢又爲五殘主奔亡又爲旬始主招橫又爲虹蜺主內淫又蜺者氣也起在

日側其色青赤白黃

古微書藝文二引鎮星散爲虹蜺初學記二引

同御覽八百七十五引填星散爲獄漢又一條引鎮星散爲旬始主招橫又卷十四引鎮星散爲虹

霓虹霓主內淫虹霓者氣也起在日側其色

青赤白黃說郭五引填星散爲五殘主奔亡

又引鎮星散爲虹霓主內淫又霓者氣也至

白黃清河郡本引鎮星散爲五殘主出亡下

注云鎮當作歲此當是宋均校又引填星散

三



爲虹蜺主肉刑注蜺者氣也至白黃

殘虐也虹蟲也蜺蟲吐氣也感填星而有

光起在日側則主肉刑注也

清河郡本

歲星之精流爲天棊天槍天猾天衡國皇及

登蒼彗熒惑之精散爲昭旦

一作折旦

蚩尤之旗

昭明司危天欖赤彗填星之精散爲五殘獄

漢

一作咸漢

大賁昭星紉流旬始蚩尤虹蜺擊咎

黃彗太白散爲天杵天柎伏靈大敗司姦天

狗天殘卒起白彗辰星散爲枉矢破女拂樞

滅寶繞紆驚理大奮祀黑彗五色之彗各有

長短曲折應象

古微書 晉書天文志 史記封禪書引熒惑散爲昭明

彗星出貫奎庫兵悉出禍在強侯外夷口應

逆首謀也

同上

續漢書天文志引河圖

十月立冬爲節者冬終也立冬之時萬物終

成爲節小雪爲中者氣字轉寒雨變成雪故

以小雪爲中也

說郛五清河郡本成雪下有也字末作是故以小雪爲中

狗三月而生陽主於三故狗各高三尺

說郛五清

河郡本

七九六十三陽氣通故斗運狗三月而生

狗斗之亂精也

清河郡本七九至...說  
郭引作正文

百世之後地高天下不風不雨不寒不暑民

復食土皆知其母不知其父如此千...之後

而天可倚杵洶洶隆隆曾莫知其始

說郭  
五

河郡本

上古太素之時

一無太  
素二字

人壽數千歲長數

十丈中古之時人壽數百歲長數丈下古

之時人壽數十歲長數尺千年之後人壽

數歲長數寸故天日就俯地日就高民漠  
無知凶隆莫可稽其終始矣

清河郡本

王者封太山禪梁父易姓奉度繼興崇功者  
七十二家

說郛五清河郡本

自上古以降易姓而封太山者計七十二  
君也

清河郡本

黃帝之生先致白狐有螭長十二寸幼好習  
兵長善攻戰問之於風后曰夫帝之旗何如  
乎風后曰子告汝帝之五旗東方青龍曰

旗南方法朱鳥曰鼠西方法白虎曰典北方  
法玄蛇曰旗央中法黃龍曰常也清河郡本  
案鼠字誤  
當作旗

枉矢東流天下恐

古微書  
五引河圖

御覽八百七十